

TATA PANGIBADAH GKJ KOTAGEDE

===== | Minggu, 02 Agustus 2026 ~ Jam 06.30 (Sengkeran Bujana Suci) | =====

Pamaosing pawartos pasamuwan

TIMBALAN PANGIBADAH

Prdt.: Pasamuwan ingkang kinasih, sumangga kita sami sowan dhateng ngarsanipun Gusti kanthi manah ingkang kebak caos sokur, dene Gusti taksih maringi wewengan kangge kita sami lelomban gesang, temah pinarengken sami makarya kangge sesame, bangsa, lan negari. Miwiti Wulan kebangsaan ing tahun 2026 punika, kita kabereg tetep setya ngginakaken kasagedan kita sanadyan namung alit kangge kemajenganing bangsa lan negari. Sumangga mbikak manah kita, sumadya kaagem dening Gusti. Kita ngrepekaken **KPJ 2: 1,2 “Allah Maha Suci”**, kita repekaken kanthi jumeneng

- 1) Allah Maha suci, kula asung puji ing pangibadah puniki, Agung kamulyanta, ageng sih Paduka kang nitahken jagad raya. Pinuji Hyang Widi, kang siyang lan ratri ngreksa lan ngrimati.
- 2) Dhuh Allah Makwasa, kanthi trusing driya kawula nlangsanani dosa. Mugi angapunten sarta nucèkaken, temah gesang kula ayem. Pinuja Sang Rama kang ngutus Sang Putra, jumeneng Pamarta.

VOTUM lan SALAM (*jumeneng*)

Pdt: Pangibadah punika kita senger kanthi pengaken: Sang Yehuwa ingkang nitahaken langit kaliyan bumi, punika tukung pitulungan kita. Sih rahmat lan tentrem rahayu saking Allah Rama kita lan Gusti Yesus Kristus wonten ing para sedherek sedaya. Amin

PAMBUKA (*lenggah*)

Imam: Pasamuwan ingkang kinasih. Gusti Allah sampun paring sakathahing berkah saha kasagedan wonten ing dhiri kita. Mila sedaya ingkang kaparingaken, sumangga saestu kita ginakaken kagem kaluhuraning Asmanipun, maedahi kengge jagad, bangsa, lan negari. Pitadosa, Gusti paring berkahing kasagedan dhateng kita sadayan.

KIDUNG PAMBUKA

Imam: Sumangga kita puji asmanipun Gusti saking saking **KPJ 28:1,2 “Suci, Suci, Suci”**

- 1) Suci, suci, suci pinuji Hyang suci, Allah Mahamulya kang jumeneng Raja. Suci, suci, suci pinundhi Hyang Widi titah sadaya memuji samnya
- 2) Suci, suci, suci, pujining pra suci angumandhang sora ngèbeki akasa. Pra mlaékat sami sujud angabekti, ngidung tan kendhat mring Kang Mengkurat.

PANGAKENING DOSA (*Pratelan Bujana Suci*)

Pdt: Pasamuwan ingkang kinasih, Kados ingkang sampun kawartosaken ing pawartos pasamuwan, bilih ing pangibadah punika kita badhé nampi Sengkeran Bujana Suci, minangka sarana pangrimating kapitadosan. Peladosan Sengkeran Bujana Suci kadhasaran bujana ing wanci dalu dungkap Gusti Yesus Kasalib.

Wonten ing bujana punika Gusti Yesus mundhut roti, lajeng kacuwil-cuwil sarta maringaken roti wau dhateng para murid kanthi ngendika: *"Iki badanKu kang kaparingake marga saka kowe. Iki tindakna minangka pangeling-eling marang Aku!"* Mengkono uga tuwunge sawise dhaharan, pangandikane: *"Tuwung iki prajanjian anyar kang sarana getihKu, kang kawutahake marga saka kowe."*

Sengkeran Bujana Suci ngemutaken kita dhateng:

1. Kasalib, seda saha wungunipun Sang Kristus
2. Kita minangka tiyang pitados sampun katetepaken dados brayatipun Gusti Allah
3. Kasampurnaning kawilujengan ingkang sampun karangcang dening Gusti Allah

[Pandonga pribadi / Ening sawetawis]

KIDUNG PANELANGSA

Imam: Pasamuwan ingkang kinasih, sumangga kita nelangsani dosa-dosa kita, kanthi ngrepekaken kidung panelangsa saking **KPJ 49: 1,2 "Gusti Kang Mahawilasa"**

- 1) Gusti Kang Mahawilasa, mugi paring aksama, kula getun de klepatan, nglawan dhateng Pangeran Nglirowakken dhawuh Paduka, manut hardaning driya Temah tan ngraosken tentrem wah malih gesang langgeng
- 2) Gusti ingkang Mahatresna, mugi ngruwat kawula Temah kula dados suci miwah nunggil lan Gusti Manah kang peteng wit dosa enggal pulih lejara Pangajeng-ajeng binuka, ngener mring Allah Rama

PAWARTOS SIH-RAHMAT lan PITEDAH GESANG ANYAR

• Pawartos Sih Rahmad → Jabur 103: 10-12

"kang katandukake marang kita ora timbang karo dosa kita, anggone paring piwales marang kita ora ing sabobote kaluputan kita, nanging sapira dhuwure langit ngungkuli bui, iya samono gedhene sih kadarmene tumrap para kang ngabekti marang Panjenengane; sapira dohe wetan saka ing kulon, iya samono anggone nebihake panerak kita saka ing kita."

• Pitedah Gesang Anyar → Mikha 6: 8

"He manungsa, kowe wus kaparingan sumurup apa kang becik, lan apa kang dadi pepundhutane Pangeran Yehuwah marang kowe: kajaba mung tumindak adil, lan tresna marang laku setya, apamaneh andhap-asor ana ing ngarsane Allahmu!"

KIDUNG KASANGGEMAN *(jumeneng)*

Imam: Kita tanggapi pawartos sih rahmat lan pitedah gesang anyar saking Gusti punika kanthi ngrepekaken Kidung Kasanggeman saking **KPJ 124:1,3 "Kula Sestu Ndherek Gusti"**. Kita repekaken kanthi jumeneng

- 1) Kula sestu ndherek Gusti kang jumeneng Panutan. tetep setya dugeng janji, Tan wigih karibedan, dhuh nyawaku, ja kwatir: Gusti tan ewah gingsir Tut wuria salaminya ing satindake Gusti
- 3) Kula sestu ndherek Gusti mbabarken sih piwlasnya, mring sagung titah ing bumi, Dimen samya raharja Dhuh nyawaku, ja kwatir: Gusti tan ewah gingsir Tut wuria salaminya ing satindake Gusti

PALADOSAN PANGANDIKA *(lenggah)*

- **Pandonge Eplikese** *(nyuwun panuntuning Sang Roh Suci)*

- **Pamaosing Kitab Suci**

PS : Waosan Kitab Suci kapethik saking Rahayu ingkang sami mirengaken pangandikanipun Gusti saha sami dipun estokaken. Haleluya!

J : *(ngrepekaken)* **Haleluya!**

- **Khotbah**

- **Wekdal Ening**

PALADOSAN SENGKERAN BUJANA SUCI

Pasamuwan ingkang kinasih, Sadèrèngipun nampèni Sengkeran Bujana Suci, sumangga kita sepisan malih ndadar dhiiri kita piyambak-piyambak langkung rumiyin srana pitakèn dhateng dhiiri kita mekaten:

- 1) Punapa kita saestu rumaos lan ngakeni kawontenan kita ingkang mboten wilujeng karena dosa kita, nanging awit saking berkahipun Gusti Allah kita kaparingan kawilujengan lantaran sèda tuwin wungunipun Gusti Yesus Kristus?
- 2) Punapa kita saestu ngadhahi tèkad nglampahi gesang enggal ing wewengkonipun Sang Roh Suci?
- 3) Punapa kita saestu badhe nglampahi gesang kanthi kebak ing raos sokur wonten salebeting patunggilan minangka brayatipun Gusti Allah?

Pasamuwan ingkang kinasih, sumangga kita ndedonga:

"Dhuw Gusti mugi wontena kepareng Paduka ngagem Sengkeran Bujana punika dados sarana pangrimating kapitadosan kawula sedaya ngantos kawula sami tansah yakin dhateng pakaryaning Allah ingkang milujengaken, ingkang kaparingaken dhateng kawula wonten ing Gusti Yesus Kristus, sarta tansah gadhah pangajeng-ajeng dhateng bujana ingkang sampurna wonten ing swarga, minangka kasampurnaning kawilujengan. Amin"

- **KPJ 314:1 "Wonten Ing Bujana Swarga"**

- 1) Wonten ing bujana swarga tahsih langkung panggenan. Angger tyang dosa mratobat, mesthi nggih sinuruhan. Gusti ngutus pra abdinya ngundangken ing sajagad dhateng sawarnining jalma kang ngrumaosi cacad. "Rungokna! Neng swarga, isih luwih panggonan. Wong dosa, mareka! Sira kang sinuruhan."

(Pradata ngedaraken roti bujana suci)

- **KPJ 278:1 "Wonten Darah Suci Mancur"**

- 1) Wonten darah suci mancur neng ardi Golgota, nggih rahipun Gusti Yesus Kang ngicalken dosa. kang ngicalken dosa, kang ngicalken dosa. Nggih rahipun Gusti Yesus kang ngicalken dosa.

(Pradata ngedaraken anggur bujana suci)

PANDONGA SAFAAT kapungkasan DONGA RAMA KAWULA *(kakidungaken)*

PISUNGSUNG SOKUR lan PISUNGSUNG BUJANA SUCI *~dening pradata~*

Prdt.: Pasamuwan ingkang kinasih, kita kapringan wekdal kangge caos pisungsung sokur saha pisungsung bujana suci. Pasamuwan ingkang badhe caos pisungsung bujana, saged kalebetaken wonten amplop ingkang sampun sumadiyo utawi saged scan QRIS, kanthi tambahan nominal pitu rupiah.

Wondene dasar anggen kita caos pisungsung kapethik saking **Wulang Bebasan 3:9-10**
“*Pangeran Yehuwah luhurna kalawan bandhamu lan srana kawitaning sakehe pametumu; temah lumbungmu bakal dikebaki nganti luber, lan pamipitanmu luber anggure.*”

Kangge ngiringi kempaling pisungsung, kita puji **KPJ 157:1,3 “Caosna Pisungsungmu”**

- 1) Caosna pisungsungmu aneng pasamuwan Klayan lilaning ati,
klawan legawa, aturna pisungsungmu kanthi sukarena

Refr. Caosna pisungsungmu dadya cihnaning bungah
Minangka panuwunmu, wit sihing Allah

*Kantong Pisungsung kaedaraken, kairing instrumen. **Pasamuwan ingkang badhe caos pisungsung bujana ugi saged scan QRIS, kanthi tambahan nominal Rp 7,- (mis. Rp 25.007)***

- 3) Pisungsung kagem Gusti dadia sarana, amrih kratoning Allah
enggal kelampah, tentrem miwah Rahayu, Gusti kang paring ...**Refr...**

Pandonge Pisungsung (lenggah)

PANGAKEN PITADOS RASULI (jumeneng)

Imam: Pasamuwan kasuwun jumeneng, Sesarengan kaliyan umatipun Gusti ing sadhéngah wekdal lan papan, sumangga kita ngénggalaken kapitadosan kita kanthi ngucapaken Pangaken Pitados Rasuli, ingkang makaten: **Kawula pitados.....**

PANGUTUSAN lan BERKAH

Pdt: Eterna manah panjenengan dhumateng Gusti. Dadosa seksnipun Gusti wonten ing pundi papan, lan panjenengan tampi berkahipun Gusti: Sih rahmatipun Gusti Yesus saha sihipun Gusti Allah tuwin patunggilanipun Sang Roh Suci wonten ing para sedherek sedaya. Amin.

KIDUNG PANUTUP → KPJ 441 "Kita Sami Tinimbangan"

- 1) Kita sami tinimbangan, supados ndherek ngladosi
pakaryane Gusti Yesus dhateng sesami
Amartosaken kabar bingah, nggih Injiling karahayon
dhateng salir para bangsa, neng alam donya
Tiyang pitados kedah wonten pandamel kang nyata!
Klayan eklas mitulungi tyang kang sinangsara;
sanadyan kita pinangkanya saking maneka bangsa
nging sesarengan nindakaken pakaryan kang mulya.